



REPUBLIKA E SHQIPËRISË

MINISTRIA E BUJQËSISË
DHE ZHVILLIMIT RURAL

MINISTRIA E FINANCEVE
DHE EKONOMISË

Nr. 463/18 prot.

Datë 26.06.2023

Nr. 1183/1 prot.

Datë 30.6.2023

UDHËZIM

Nr. 16, datë 26.06.2023

PËR

DISA SHTESA DHE NDRYSHIME NË UDHËZIMIN NR. 5, DATË 3.3.2023 "PËR KRITERET, PROCEDURAT DHE MËNYRËN E ADMINISTRIMIT TË FONDIT TË PROGRAMIT PËR BUJQËSINË DHE ZHVILLIMIN RURAL"

Në mbështetje të nenit 102, pika 4 të Kushtetutës të Republikës së Shqipërisë, të pikës 3, të nenit 6 dhe nenit 36, të Ligjit Nr. 9817, datë 22.10.2007, "Për bujqësinë dhe zhvillimin rural", të nenit 18, të Ligjit Nr. 64/2012, "Për peshkimin", të ndryshuar, të nenit 13, të Ligjit Nr. 36/20022, "Për organizimin dhe funksionimin e Grupeve Vendore të Veprimit", të Ligjit Nr. 84/2022, "Për buxhetin e vitit 2023" dhe të pikës 5, të VKM-së Nr. 125, datë 1.3.2023, "Për përcaktimin e kriterëve bazë, të sektorëve që do mbështeten dhe të masës së përfitimit nga fondi i programit për bujqësinë dhe zhvillimin rural për vitin 2023", ministri i Bujqësisë dhe Zhvillimit Rural dhe ministri i Financave dhe Ekonomisë,

UDHËZOJNË:

Në Udhëzimin Nr. 5, datë 3.3.2023, bëhen shtesat dhe ndryshimet si vijon:

1. Në kreun V, "Dokumentacioni që Gjenerohet nga Regjistrat Zyrtarë dhe Platforma e-Albania", bëhet ndryshimi si vijon:

a. Në pikën 10, paragrafi i fundit riformulohet si vijon:

"Dokumentacioni që dorëzohet sipas këtij kreu, për Masat 1-6, paraqitet brenda datës 31 korrik 2023".

2. Në kreun VII, *“Procedura që do të Ndiqet për Përzgjedhjen, Verifikimin dhe Pagesat për Masat Mbështetëse me Nr. 1-6”*, bëhet ndryshimi si vijon:
 - a. Pika 4, riformulohet si vijon:

“Aplikantët, bazuar në listat e shpallura nga Agjencia për Zhvillim Bujqësor dhe Rural, dorëzojnë brenda datës 31 korrik 2023, dokumentacionin e kërkuar. Dokumentacioni konsiderohet i dorëzuar me depozitimin në Agropikë ose në zyrën qendrore të Agjencisë për Zhvillim Bujqësor dhe Rural, ose i dërguar me postë”.
3. Në kreun VIII, *“Kriteret, Aplikimi dhe Dokumentet e Nevojshme për Masat 7 dhe 8”*, bëhen shtesat si vijon:
 - a. Në nënndarjen i) kriteret specifike të përfitimit, në shkronjën a) në fund shtohet togfjalëshi:

“... ose subjekte posedues sipas kontratave noteriale me pronarin me afat jo më pak se 5 vite nga lidhja e kontratës me Agjencinë për Zhvillim Bujqësor dhe Rural. Në rastin e posedimit me kontratë, aplikanti duhet të jetë i përcaktuar në lejen e peshkimit”.
 - b. Në nënndarjen iii), dokumentacioni i dorëzuar në Agjencinë për Zhvillim Bujqësor dhe Rural, bëhen shtesat dhe ndryshimet:
 - në shkronjën i), fjalia e parë riformulohet si vijon:

“i. Për blerjen e pajisjeve dhe punimeve paraqiten 3 oferta origjinale, me afat vlefshmërie jo më pak se 6 muaj nga dita e aplikimit, por në çdo rast me afat vlefshmërie që përfshin datën e lidhjes së kontratës me Agjencinë për Zhvillim Bujqësor dhe Rural”, dhe që përmban:
 - pas paragrafit të fundit shtohet një paragraf me formulimin si vijon:

“Kur një subjekt shpallet fitues me më shumë se një aplikim, Agjencia për Zhvillim Bujqësor dhe Rural dhe subjekti lidhin një kontratë për të gjitha aplikimet që financohen”.
4. Në kreun IX, *“Procedurat e Aplikimit, Përzgjedhjes, Verifikimit dhe Ekzekutimit të Pagesave për Masat 7 dhe 8”*, bëhet shtesa si vijon:
 - a. Në pikën 6, fjalia e parë, togfjalëshi “30 korrik 2023” zëvendësohet me togfjalëshin “31 gusht 2023”.
5. Në kreun X, *“Kriteret, Dokumentacioni dhe Procedura për Masën 9”*, në paragrafin *“Procedura që do të Ndiqet për Kualifikimin, Vlerësimin, Përfitimin e Mbështetjes me Naftë për Bujqësinë dhe Kontrollin”*, bëhet ndryshimi si vijon:
 - a. Pika 14 riformulohet si vijon:

“Shpërndarja e kartave të subjektet përfitues bëhet nga Agjencia Rajonale e Ekstensionit Bujqësor që mbulon territorin ku ushtron aktivitetin aplikanti fitues. AREB-et dorëzojnë kartat direkt tek përfituesit dhe nënshkruajnë procesverbalin ose e dërgojnë me shërbim postar kur procesverbali nënshkruhet nga nëpunësi i shërbimit postar. Në rastin e dërgimit me shërbimin postar nafta tërhiqet pas administrimit të procesverbalit të firmosur.

AREB-et për çdo subjekt hedhin në sistemin SMI të naftës për bujqësinë, informacionin për dorëzimin e kartës te subjekti përfitues. Formulari për procesverbalin e dorëzimit të kartës dhe të formës për tu hedhur në SMI, gjendet në aneksin 10, ndërsa kur dorëzohet nga shërbimi postar sipas aneksit 10/1, bashkëlidhur udhëzimit”.

Ky udhëzim hyn në fuqi menjëherë dhe botohet në Fletoren Zyrtare.

**MINISTRI I BUJQËSISË
DHE ZHVILLIMIT RURAL**

FRIDA
FRIDA KRIFCA



**MINISTRI I FINANCEVE
DHE EKONOMISË**

DELINA
DELINA IBRAHIMAJ

